

e-Dinamik

MAJALAH DIGITALAKADEMIA UiTM CAWANGAN JOHOR

eISSN: 2682-7832



EDISI KETUJUH 2025



اَوَّلُ رِسَالَةٍ تَكُونُ لَوَكِي مَارَا
UNIVERSITI
TEKNOLOGI
MARA



PERUTUSAN REKTOR

Assalamualaikum warahmatullahi wabarakatuh,
Salam Sejahtera dan Salam UiTM Dihatiku.

Segala puji bagi Allah SWT kerana dengan izin-Nya, Majalah Digital Akademia UiTM Cawangan Johor, e-DINAMIK Edisi 2025 dapat diterbitkan dengan jayanya. Syabas dan tahniah diucapkan kepada seluruh sidang editorial atas komitmen, ketekunan, dan dedikasi dalam memastikan penerbitan ini terus menjadi wadah intelektual yang bermakna.



Penerbitan e-DINAMIK bukan sahaja berfungsi sebagai medium dokumentasi hasil penulisan ilmiah, kreatif dan penyelidikan, malah menjadi platform penting bagi warga akademia untuk menyalurkan idea, pandangan, dan dapatan kajian dalam pelbagai bidang. Edisi kali ini tampil lebih segar dengan isu-isu semasa yang menyentuh pelbagai aspek global yang kian kompleks.

Saya percaya usaha ini mampu memperkukuh budaya penulisan akademik dalam kalangan pensyarah serta menyemarakkan amalan perkongsian ilmu merentasi sempadan disiplin. Melalui inisiatif ini juga, diharapkan lebih ramai pensyarah dan penyelidik dapat melangkah ke tahap yang lebih tinggi dalam menghasilkan penerbitan berimpak serta berindeks antarabangsa.

Sekalung penghargaan ditujukan kepada Timbalan Rektor (Penyelidikan dan Jaringan Industri) bersama pasukan editorial yang sentiasa konsisten memastikan kesinambungan penerbitan e-DINAMIK dari tahun ke tahun. Semoga majalah ini terus menjadi sumber inspirasi, rujukan dan motivasi kepada seluruh warga UiTM serta pembaca di luar sana.

Akhir kata, saya berharap e-DINAMIK 2025 ini akan terus menjadi medan ilmu yang dinanti-nantikan setiap tahun. Semoga segala usaha ini diberkati dan memberi manfaat buat semua.

Sekian, terima kasih.

PROFESOR MADYA DR. SAUNAH ZAINON

Menjalankan Fungsi Rektor
UiTM Cawangan Johor

Assalamualaikum warahmatullahi wabarakatuh dan Salam Sejahtera,

Alhamdulillah, setinggi-tinggi kesyukuran dipanjatkan ke hadrat Allah SWT kerana dengan izin dan rahmat-Nya, penerbitan Majalah Digital Akademia UiTM Cawangan Johor, e-DINAMIK Edisi 2025 dapat direalisasikan.



Saya ingin merakamkan penghargaan yang tidak terhingga kepada Yang Berusaha Prof. Madya Dr. Saunah Zainon, Rektor UiTM Cawangan Johor, atas sokongan dan dorongan yang berterusan dalam memperkasakan budaya penulisan serta penerbitan akademik di UiTM Cawangan Johor. Sesungguhnya, e-DINAMIK telah menjadi wahana penting untuk menyalurkan idea, mengasah bakat serta mendokumentasikan pelbagai bentuk penulisan merangkumi karya, kreatif, laporan aktiviti dan isu semasa yang berkaitan dengan warga akademia.

Lebih daripada sekadar sebuah majalah digital, e-DINAMIK merupakan cerminan kecemerlangan akademik UiTM Cawangan Johor, selain membuka ruang yang lebih luas untuk mengetengahkan pencapaian, keterlibatan komuniti, serta perkembangan fakulti dan jabatan di Kampus Segamat dan Kampus Pasir Gudang. Saya percaya usaha ini juga dapat meningkatkan visibiliti universiti di persada negara mahupun antarabangsa.

Penerbitan ini tidak akan berjaya tanpa komitmen padu sidang editorial serta sumbangan para penulis yang dengan ikhlas berkongsi masa, tenaga, dan ilmu demi menjayakan hasrat murni ini. Saya amat berharap inisiatif sebegini dapat menyemarakkan lagi minat warga akademia untuk terus berkarya serta menghasilkan penulisan bermutu tinggi yang memberi manfaat kepada masyarakat.

Akhir kata, sekalung tahniah dan syabas kepada semua pihak yang terlibat dalam menjayakan penerbitan e-DINAMIK Edisi 2025. Semoga usaha ini berterusan dan menjadi sumber inspirasi kepada semua pembaca.

Sekian, terima kasih.



DR. FARIDAH NAJUNA MISMAN

Timbalan Rektor (Penyelidikan & Jaringan Industri)
UiTM Cawangan Johor



PENAUNG

Profesor Madya Dr. Saunah Zainon

PENASIHAT

Dr. Faridah Najuna Misman

PENYELARAS

Dr. Nur Fatihah Shaari
Dr. Noor Hidayah Ab Aziz

KETUA EDITOR

Aidarohani Samsudin

PENOLONG KETUA EDITOR

Dr. Fatin Farazh Ya'acob

EDITOR AKADEMI PENGAJIAN BAHASA

Zuraidah Sumery
Farhana Idris
Siti Aishah Taib

EDITOR AKADEMI PENGAJIAN ISLAM KONTEMPORARI

Munirah Zakaria
Mohamad Zaki Razaly
Dr. Muhammad Fahmi Md Ramzan



SIDANG REDAKSI

EDITOR JABATAN UNDANG-UNDANG

Norintan Wahab
Zuramaznum Sainan

EDITOR FAKULTI PENGURUSAN DAN PERNIAGAAN

Ainol Mardhiyah Rahmat
Che' Khalilah Mahmood
Dr. Nur Fatihah Shaari
Dr. Suhana Mohamed
Ferri Nasrul
Mohamad Azwan Md Isa
Muharratul Sharifah Shaik Alaudeen
Norfariza Mohd Ali
Rosmah Abd Ghani @ Ismail
Ruziah A. Latif
Siti Noorhaslina Abd Halim
Siti Nordiyana binti Ishak
Zaibedah Zaharum

EDITOR FAKULTI PERAKAUNAN

Ahmad Marzuki Amiruddin Othman
Juyati Mohd Amin
Nurru Ain Fauzi
Nursia Yuhanis

EDITOR FAKULTI SAINS GUNAAN

Dr. Saiful Najmee Mohamad



EDITOR FAKULTI PENGURUSAN MAKLUMAT

Azura Abdul Jamil @ Kamarudzzaman

Rohayu Ahmad

Siti Hasma Hajar Mat Zin

EDITOR FAKULTI SAINS KOMPUTER DAN MATEMATIK

Haslenda Yusop

Dr. Nur Syamilah Arifin

Dr. Wan Munirah Wan Mohamad

Noraisyah Abdl Aziz

EDITOR FAKULTI KEJURUTERAAN

Azyan Zafyrah Mohd Zahid

Dr. Wan Nur Fazlina Abdol Jani

Noorashiekin Khalid

Mazni Mat Zin

Nurrul Amilin binti Zainal Abidin

Nurulnatisya binti Ahmad

Ts. Dr. Siti Aminah Nordin

Ts. Muhammad Imran Ismail

REKABENTUK DAN GRAFIK

Shahrul Amir Bin Shaheran

Mohamad Hanif Bin Awaludin



SIHAT ITU NIKMAT TERPENTING

Ahmad Nawawi Yaakob, Rashidah Ahmad Dahari, Nurulzulaiha Sa'udah
@ Suhadak

Selain iman, kesihatan adalah nikmat terpenting dalam hidup seseorang. Sihat dan kesihatan perlu dijaga, ia tidak datang sendiri tetapi perlu diusahakan. Kesihatan banyak berkait dengan cara hidup seseorang. Orang yang bijak menguruskan hidup, akan membantu untuk hidup lebih aman, tenang dan sihat.

Sihat bermula dari rumah yang didiami. Suami isteri menentukan pengurusan rumah tangga lebih teratur dan menjadi kondusif untuk kestabilan emosi dan ketenteraman jiwa. Isteri mempunyai tugas tersendiri di rumah, begitu juga suami. Masing-masing perlu berperanan dalam peratusan tertentu menguruskan anak-anak, memasak, mengemas rumah, menguruskan pakaian dan banyak lagi. Jika peratusan itu tidak seimbang, maka tentunya rumah tangga kelihatan pincang dan tidak teratur. Ia akan mengganggu emosi dan kestabilan fizikal.

Bebanan kerja juga antara satu faktor yang mencederakan kesihatan. Kondisi tugas suami isteri berbeza, walaupun pada sektor yang sama. Suami isteri perlu memahami tugas pasangan, saling membantu dan memberi ruang terbaik bagi menunaikan tugas kerjaya masing-masing. Sikap positif dalam menerima tanggungjawab kerjaya boleh menjadi punca keseronokan untuk berkerja. Situasi tertekan biasanya lahir pada keadaan 'tidak bersedia', bersikap negatif, kurang mendapat sokongan staf dan sokongan daripada pasangan, di samping bidang kerja yang datang bagaikan ribut taufan. Bebanan ini sedikit sebanyak akan memberi kesan negatif terhadap kestabilan emosi seseorang.



Kesihatan itu perlu diusahakan. Ia tidak datang sendiri. Biar sesibuk mana keadaan, pastikan ada ruang waktu untuk beriadah. Seminggu paling kurang tiga kali dan sekali dalam 30 minit. Sebaiknya setiap hari 20 minit diperuntukkan untuk aktiviti riadah bagi mengeluarkan peluh. Tidak cukup dengan kerja-kerja di dalam rumah diharapkan sebagai aktiviti riadah. Ia tidak mencapai tahap riadah sebenar.

Riadah perlu bagi merembeskan peluh melalui kulit. Kulit adalah buah pinggang kedua. Berpeluh merembeskan air dan toksin dalam badan. Bersenam membantu buah pinggang daripada berkerja lebih bagi merembeskan toksin dalam badan. Paru-paru juga akan berkerja dengan penuh dan memberi oksigen secukupnya ke otak yang boleh melapangkan saraf otak dan saraf kepala. Ingat, kesihatan itu perlu diusahakan dan riadah adalah kunci utama pada kesihatan diri.

Dapatkan tidur secukupnya. Aturkan waktu tidur dan waktu berkerja pada jadual yang betul. Tidur berlebihan itu penyakit, kurang tidur itu juga penyakit. Begitu juga pemakanan. Awasi pada pemakanan yang sihat, elakkan pemakanan yang tidak teratur dan tidak sihat. Sayangi tubuh kita, kerana kos rawatan pada hari ini adalah sangat tinggi jika dibandingkan dengan kemampuan kewangan yang dimiliki.

